

A materia de *Tecnoloxías da Información e da Comunicación* trata de achegarlle ao alumnado as habilidades necesarias para adaptarse aos cambios propios deste ámbito tecnolóxico e persegue a consolidación de coñecementos tecnolóxicos indispensables.

TIC pódese cursar en 1º e/ou en 2º de Bacharelato.

Aportacións dos diferentes Bloques de contidos á materia:

"*A sociedade da información e o computador*" introduce o alumnado na importancia desta materia na sociedade actual. Os bloques "*Arquitectura de computadores*", "*Redes de computadores*" e "*Seguridade*" abundan en aspectos relativos aos compoñentes e á configuración dos computadores, e á súa conexión en redes. O bloque

"*Software para sistemas informáticos*" afonda no uso de aplicacións de uso común no mundo actual, tales como as aplicacións ofimáticas de edición de texto, de cálculo, de elaboración de presentación, de almacenaxe de información e de traballo con imaxe e vídeo. E os bloques "*Programación*" e "*Publicación e difusión de contidos*" afondan no deseño de programas que permitan dar solucións a problemas do mundo real, e no uso destes no mundo de internet.

A quen vai dirixida

Ademais da utilidade formativa directa para o alumnado que queira cursar o Grao en Enxeñería Informática e calquera outra Enxeñería, a materia pode servir para calquera ámbito de coñecemento.

